

Fu posto, per li Consieri, atento il caso predito, sia dà facultà al Podestà di Padoa di proclamarlo e ponerlo in exilio di Venecia e terre e lochi terrestri e marittimi e navilii etc. con taia vivo lire 500, morto 300, e li soi beni siano confiscati in la camera : 153, 5.

Fu posto, per li Consieri, Cai di XL e tutti i Savii, che atento i danni di Hironimo de Stasii, fo dacièr dil sal a Veia, li sia fato tempo di pagar il debito di ducati 70 a quella camera a ducati 10 a l'anno, come conseja sier Marco Antonio da Canal fo provedador de li; e non pagando li ducati 10 a l'anno, sii astreto di la quantità. Ave 160, 5; fu preso.

Fu posto, per li Consieri, Cai di XL e Savii, atento il credito di sier Francesco da la Zuecha, fo secretario in Hongaria, di ducati 400, come apar la sua eredità, possi scontar il debito di ducati 150 a le Cazude, e ducati 47 sora i Officii, *ut in parte*. Ave 170, 11, 0.

Fu posto, per li Consieri, dar il possesso dil beneficio di San Zuane, *alias* San Lunardo da Campo Mole apresso Sazil, di l'ordine di Rodi, al reverendo domino Zacaria di Garzoni comandador di la Finica di Cypro, et questo per renontia fata in man dil Papa per uno Peliza etc.: 155, 10, 1; fu presa .

366 . . . . . (1) Anzolo Lipomano nobel veneto, familiar et comensal dil Papa, come per una bola di sto Zugno passà di expectativa di Santa Maria di Roman, ha domino Jacomo de Riziis retor, qual ha renontia al Papa : 141, 5.

Fu posto, per li Savii tutti, excepto sier Polo Capello el cavalier et sier Andrea Gritti procurator savii dil Consejo, questo Consejo ha inteso le nove aute di Constantinopoli dil sorastar di l'armata, però sia preso che si atendi in l'Arsenal a compir di tutto quello bisogna le galie manca fino il numero di 50. *Item*, che *solum* do galie, qual messe banche, zoè sier Alexandro Contarini e sier Vincenzo Zantani, qual zà ha dato danari, siano compite di armar; dil resto si soprastagi di far altro per adesso; e sia scritto, dove parerà al Colegio, tegni li homeni preparati, ma non li dagi danari.

Et a l'incontro, sier Polo Capello el cavalier savio dil Consejo, vol che Luni proximo, ch'è il di di San Marco, sia dà il stendardo a sier Andrea Gritti procurator capitano zeneral, e vadi in armada, si per governo di l'armata come per conforto di le terre nostre di Levante, et si siegui *in reliquis* la parte come vol li Savii.

(1) La carta fu tagliata nell'alto.

Et li Consieri e Cai di XL introno in la parte di Savii, *etiam* sier Antonio Mozenigo savio ai ordeni, qual è venuto in Pregadi, *licet* fusse preso e taià la sua pruova, e questa matina non fo in Colegio, ni li altri colegia è venuti, zoè sier Carlo Ruzini et sier Domegno Trivixan è in dita parte.

Et sier Hironimo Zane e sier Lodovico Michiel savii ai ordeni, vol la parte di Savii, con questo, le tre galie di Terra ferma, zoè quella di Verona, dil lago d' Iseo et quella . . . . , qual le zurme ha quella auto danari, sia seguito *etiam* di armarle.

Andò in renga sier Alvisè Mocenigo el cavalier consier, contra l'opinion di armar il Zeneral, e fe' lezer molti capitoli di Ietere di Constantinopoli, come di tempo in tempo el Signor turco ha fato armata secondo li andamenti di christiani, et *maxime* di l'armata di Spagna, et non è da iritarlo in far movesta dil Zeneral etc. È Signor immutabile, ne mantegnirà la paxe se voremo.

Poi li rispose sier Polo Capello el cavalier savio dil Consejo, o per dir meglio fo il primo parloe, dicendo, non armando il Zeneral, il Signor turco dirà venetiani non arma perchè mi ho suspeso; aduncha i feva armata contra di mi. Poi, per governo di l'armata, e non crede a queste letere, e fe' lezer *una letera dil Baylo, di 15 Fevver*, che ussiva al più 60 in 70 vele, che non pol aver più galie a ordine; *tamen* si ha visto il contrario, ne ha 200 in ordine. Poi li astrologhi li disse questo anno non prosperearia con l'armata, *tamen* si vete ha fato potente armata; con altre parole, persuadendo l'expedir il Zeneral. Andò le tre parte : 2 non sincere, 10 di do Savii ai ordeni, i quali non parlono per la loro opinion, 63 dil Capello, 128 di Consieri e Savii, e questa fu presa. E, per Mia opinion, la pezor presa.

Fu posto, per li Savii dil Consejo e Terra ferma, 367 havendo richiesto lo illustrissimo Governador zeneral, è in questa terra, che ducati 9000 li fo assegnà a la camera di Brexa, dove stenta haverli e convien tenir uno de li, li sia permutà a la camera de Verona, pertanto sia preso di compiacerli, et li ducati 9000 di l'armar, mandava la camera di Verona di qui, debbi darli al Governador, li ducati 9000 li dava la camera di Brexa al Governador, debbi mandarli di qui per conto di l'armar; fu preso. Ave 171, 24, 1.

Fu posto, per li Consieri, Cai e Savii, havendo richiesto il terren di castello di Zevio, dove vol far una stalla di cavalli per esser propinqua a una possession ha comprato, et havendo auto risposta di rectori di Verona è cosa si pol compiacer, perchè